

美術叢書

三集第一輯四冊



376586

國立臺灣大學圖書館典藏
昭和 13.8.26
由國家圖書館數位化

竹里畫者詩

嘉興張廷濟叔未著

陸虞傳

陸翁名允治元景春處士之後世居里仁鄉東圩太平橋之北數百年儒素家風壘鹽寒冷申酉之變閉門息影賣畫自給工畫蒲桃香生色活康熙時年已篤老松江王儼齋司農延至其家欲久欸之辭曰山澤癯不能厠公卿未坐也司農酬以金不受贈以書數紙後人猶藏其王

所贈扇今歸於余

虞翁山澤癯里傳牆裏陸

諺云未有竹里路先有牆裏陸蓋竹里在唐宋時一小邨落耳

太平寺西隣五間

老矮屋門前繞濃谿門後滿修竹吁嗟世事非飄騷野田服樓雲主洵賢言

歸甘處獨古井泉何寒蒲桃樹早禿

翁屋後有古井井邊舊有蒲桃老本

請從紙上看碧瓊垂

幾簇

洪天樹

洪翁名槩住篁里西圩丁字谿之西名洪家舍自明時起至翁補學官弟子者凡十二世家饒裕有亭館之勝康熙時人物阜安與其弟天培棠招邀勝侶文譙無虛日畫花卉極工麗余藏其所作長卷紙少敞而神采猶煥

洪翁里舊姓邨居自成舍沼緣錢家牆風軒與水榭賞勝尊時開酒酣坐或

罵萬花筆底生徐黃庶其亞零落今百年畫舍拱桑柘不見鳳枝堂

天培有鳳枝堂

詩集 遺詩惟在架

唐東巖

唐翁名岳住西圩南星橋北畫人物奕奕如生家貧屋窄常安筆硯於六如庵其後人賣卜爲活訪其遺墨絕少余惟購有凌煙閣功臣圖二
十四幀題者率乾隆初年時佳手

東巖老畫師家住南橋北有屋小於舟客來苦偪仄攜硯六如庵炷香佛龕

側詩情老益能技精貧亦得賣卜今孫曾搜訪鮮遺墨凌煙繪功臣生面開
顏色題者英俊流隸楷各超特他時求佳砥庶幾硬筆刻

胡亭山

胡翁名大年號薌邨又號玉峯行三住東圩大中橋北賣烟草爲生
涯讀畫鼓琴蕭然意遠楷行書法歐陽寫叢蘭老梅修竹奇石得王元
章揚補之勝趣與江陵朱尋源
雲爆爲至友朱嘗三其家

抗心希古哲吾愛亭山翁一椽忘近市夢入名山中煙霞滿肝肺吐作蘭竹
叢五言秀而野綽有太祝風靈草采未歇化去幻天工斯人不可作韻友空

絲桐

余藏其遺
琴一張

王體乾

王翁名志和行七住東圩谿南家本土族多聞好古積書數千卷積名
人所鐫刻石印數百鈕畫牡丹花水墨設色長卷巨幅工麗中有生趣

今後人無存而
遺蹟亦漸罕

王翁畫鼠姑濃情具勝趣墨潑天香生粉調國色傳巨幅由拳牋長卷蜀江
素至今一展觀爛漫猶如故所嗟故物空石林與書庫門巷屬他人非復舊

時路賣虎憶當年譚之色猶怖

乾隆二十九年甲午河南
人檻虎來賣賃翁之後圃

程玉山

程翁名崑先世休寧人來竹里住西圩劉家濱茅屋一椽授經終老寫
花卉清迥瀟灑無塵空染其筆端余壯歲時其後人守愚叟贈三小幅

守愚
無子

程君黃山來結廬隱泉畔授經茅一椽蒔花手自灌閒以筆貌之風枝任凌
亂愚叟昔贈余三幀恣披玩雲歸渺無存臨泉發三歎

王裕堂

王翁名應奎字彙樞住太平寺西後遷住西圩劉家濱性嚴整嗜讀書
作客江右攬山川奇勝詩情益豪邁書學顏平原作山水畫濃郁深湛
不落近
時窠臼

彙翁性高騫冥鴻絕塵躅少嗜讀史書古事勤編錄壯作西江遊寫山染黛

綠晚愛高士泉移家煙水曲今看才子賢想見義方勗

安期少余一歲行極端謹能草書有古法

留得冰壺心令余賞不足

翁傳有時少山所製漢方茗壺係幼扶進士舊物展轉歸於余

查秋佩

查大名馨字庭蘭先世自海昌遷竹里住大中橋南爲時文有軌範少
多病因作畫有東山孝廉梅壑老人家法余所應童子試時曾倩其畫

一扇今猶珍之子朴山
世瑛嘉慶戊辰舉人

查公靜者心畫理得要眇絕壁長風生濤澗紛蓬蘢澗泉科頭人坐石自垂
釣有叟倚其傍漁樵想同調東老與梅老家法妙惟肖郎君官永嘉石壁姿

尋眺此境可似不把視知一笑

僧曉峯

曉公嘉興姚氏子乾隆三十年時來竹里住太平寺破寮冷
竈忍飢誦經作小幅亂筠窠石幽味無窮閒成詩亦有致

曉公儒家子爲僧行不惰來往東隣寺耐守冷香火日長經卷餘作畫亦復
頗叢筠何荒寒頑彊何磊砢此緣禪味深下筆自帖妥不見詩句留何如權
與可

王應綵

應綵居士名巽谿南王益亭太親翁之長女幼敏慧翁延餘不谿老儒
士沈則庵宋教作畫山水翎卉並臻其能爲范眉峯秀才繼室范家多
名蹟博覽精摹晚益工到子稼庭
德鏹嘉慶戊辰舉人官天台教諭

王氏里士族居士靈尤鍾少從沈老學花葉妙淡濃長攬古佳蹟煙霞盪心

胸比似錢南樓何如雲與龍令子吾舊友迢遞雲山重何時復把晤讀畫緬

禮宗

嘉興張廷濟跋本

尺大集卷四李氏先生八分書精悍法去此取蔡上九字法爲甚與
入三訓處上端而上九邊在文位之外故亦得云不可與正以情外是
就之有存筆意清遠而非高尙物外之辭以此注疏雖消遠合于注有
或可與思試本名謂之說平
或夏六月朔北平筆方綱藏

梅雨兼旬五月秋又聞多病此登樓門無客至便高臥案有書存當舊遊馬

迹久離塵土夢足不入鴻飛那作稻梁謀或成偏宜唱出新詩卷消却

風波或感西或感本或感街

响鐘碑拓本

尋此境可忘不覺現知一笑

僧曉暉

僧曉暉氏子乾隆三十年時來竹里住太平寺賦詩有款

曉公無家子爲僧行不情來往康寧寺耐守冷香火日長經卷餘作盡亦復
頗盡窮何足寒頑置何益爾此賦神味深下筆自結妥不見詩句留何如權

僧曉暉

僧曉暉氏子乾隆三十年時來竹里住太平寺賦詩有款

竹里畫者詩終

四暇遠興猶合待吾嘗式豈敢忘山重神清畫屏觀爾畫

清儀閣雜詠

嘉興張廷濟叔未藁

清儀閣

閣兩間在八軛精舍之上東向高四丈八尺各廣一丈六尺深二丈二尺大興翁閣學覃溪先生八分書額并跋云此取漸上九王注也蓋與九三同處上體而上九遠在爻位之外故象傳云不可亂正以位外見漸之有序雖處清遠而非高尚物外之辭以此注峨峨清遠合于注有儀可象是叔未名閣之義乎癸亥夏六月朔北平翁方綱識

梅雨兼旬五月秋文園多病此登樓門無客至便高臥案有書存當舊遊馬

走久離塵土夢

是年余以病不入都

鴻飛那作稻梁謀

寓哀鴻之感也

偏宜唱出新詩卷消却

風波水國愁

時大水浙西被厄

响樓碑拓本

宋嘉定壬申
何子一刻本

昌黎語妙幻詞瀾便有何郎著意刊金簡玉書誰共訪銅盤石室竟齊觀矜
奇枉道驚人易僞古從來信後難祖本重教翻岳麓升庵傳會更無端

子父己爵

爵今衣工尺高五寸九分柱高一寸二分腹深二寸八分口徑長四寸
七分闊二寸一分鑿高一寸五分足高二寸五分容合重兩純素

黝色銘三字曰
子父己在鑿內

斧車圖古己成煙

商斧爵商車爵
見宣和博古圖

載得商彝書水船

得於吳興故家

重器乙尊辛敦

外家藏有父乙
尊祖辛敦

奇文史籀相斯前香濃春酒升難計字到祥金筆更圓正爲

高堂介雙壽歡擊老物幾千年

削

長四寸五分
分博六分

鈇鋒鸞曲作鈎形不照丹心照汗青安見良工非魯國何知劫火有秦庭剗
除事業垂千簡刻苦功夫在六經每被雕鐫皆不朽書香自古洗銅腥

戈

廣六分強內長二寸二分胡長二寸八分
分援長三寸五分內有文作鈎兵形

毛錐生小謝提戈滿面苔華不要磨摠憶魯陽扶落日洗教壯士挽天河沈
蕓肯付金人鑄塵劫空偕銅狄摩正是時清歌載戢莫思李牧與廉頗

劉誠意長

平戈歌嗚呼當時豈無李牧與廉頗
戈乎不遇可奈何

秦漢十二瓦當

文曰永受嘉福曰衛曰漢并天下曰甘林曰長生無極曰上林曰長生
未央曰長樂未央曰長樂萬歲曰千秋萬歲曰永奉無疆曰億年無極

古月團欒十二回秦時宮闕漢時臺不隨明鏡融焦土翻共靈池話劫灰幾
字印泥參璽節一輪銜璧誤瓊瑰羸顛劉蹶尋常事輸與人間作硯材

黃山鐙

高三寸八分上盤盛膏處高六分徑二寸八分下盤徑二寸四分柱痕
三道純素無華重兩篆文四曰黃山第三在下盤上面案漢書

地理志右扶風槐里縣有黃山宮孝惠二年起三輔黃圖
卷三黃山宮在興平縣西三十里武帝微行西至黃山宮

槐里離宮久草菅金釭猶是記黃山形模雁足慚新樣點滴龍膏認舊斑幾

照挾書經火後

孝惠始除挾書律

偶隨片瓦出人間

程敦秦漢瓦當文字俞肇脩得黃山瓦於興平

短檠世

事嘗應慣八尺高張只等閒

黃山鐙歌題清儀閣款識冊

翁方綱

黃山宮起孝惠年此銘蓮勺谷口前歐陽錄珍西漢字林華之釋然不然

秋望昆明饗飛雨藉邀沙麓靈光傳況追上林苑北遶元宮麗又先甘泉

龍虎鹿廬虹燭氣李常賈慶守者宣薛摹梁山亦如此二斗扶造元康銷

何與孝王鑄山事塤山宮記好時邊

此鐙銘曰黃山第三與薛氏鐘鼎款識所載梁山銅銷相證正合班志槐

里有黃山宮好時有梁山宮也薛尙功乃援梁孝王鑄山貢銅事誤矣

此鐙補歐兼正薛張子拓並銷元延

鴈足之鐙字亦好奄有建昭陽朔鐙吾嘗取證樊榭誤首山槐里地接連

此銘方是籀文三述庵憶話蒲褐禪

昔爲王述庵考所藏建昭雁足鐙欸識辨厲徵君釋三字之災

張子

拓來又七載新篁里扁深竹田仲棊郵筒量漢尺芸臺精舍論古甄芑堂

近著金石契此册更追順伯編誰云物惟聚所好要在文字裨傳箋吾交

芑堂三十載每欲圖畫匡牀聯伊昔盛年騁詞筆尙思審析畸於偏爾來

虛衷理訓故一銘一畫溯與沿摩挲祕墨六十幅直方圓曲羅杓纏森然

印此鐙月影異同敢以私臆專因君重繹薛欵識阮公閱歲磨丹鉛

芸臺近奉

刻復齋尚功二書

梁兄白髮來說隸會合豈止誇墨緣

梁山舟阮芸臺即來都門也

五銖泉範

方廣各二寸厚各四分重兩陽范列泉四無文陰范列泉四文五銖背篆文曰第千册

雙雙復內貯方圓風範真欵兩漢年天上清童原有種人間金母豈無緣相

來面背應多富鑄出陰陽總可權難得千秋長作合會教擊節賞宜泉

大龔翁宜

泉秋部云泉范具有面背文者未易多得

大泉五十泉範

縱二寸九分橫二寸四分重兩厚三分錢中列大泉五十泉面背各三背篆文曰日萬泉

不隨宣室火銷亡銅範年逾銅斗長世上稱兄虧阿母君家有子勝中郎

指中

泉空更泉府黃標聚徒兆真人白水祥笑指背文如作賀定教主吏費平章

斗檢封

面方廣分底方廣六分有半邊高二分有小孔二重 錢中篆文四曰
口口口口底篆文四曰官律所平

鑿古能名斗檢封當今博識趙司農

嘉慶壬戌廷濟館今少司農趙謙士先生邸第得是器先生考定爲斗檢封

儀徵師亦以爲然

漢家平準均鹽鐵周禮通商謹釜鍾未解旋弦參雅樂

吳侃叔明經云是鈞

律銅準係典律官施弦之器

難評累黍起黃鍾

錢竹汀少詹云此累黍起數之器

偏宜摹向青田石印上

同鄉戶冊濃

嘉慶九年奉官令各殷戶捐米食貧從子上林摹官律所平四字於石爲里仁鄉戶口冊票印記

永寧元年甌

漢安帝十四年改元永寧○乾隆己亥秋日海中大風盪去積沙海鹽海潮遠退數十里凡三日海中見井竈墓道基址人競拾取古錢瓷器所獲甌間有漢晉紀元字此甌余於乙卯歲購於頻海漁舍縱九寸五分橫五寸厚一寸四分重斤兩兩面俱有麻布文右側有花文左

側八分書曰永寧元年六月十九日淳
于氏作奉氏立上側剗損下側有魚文

動地揚沙幾日風天教寶璧出鯨宮滄桑南國留餘劫

海鹽秦漢舊縣治滄海中在今海塘外五

里十文字東京有化工合補圖經徵漢縣好繙氏志譜州公

淳于氏後餘波印出

文鱗椽勝記金陀岳倦翁

宋岳農使珂曾得永寧元年壁見程史古冢益杆記

附嘉慶十二年六月十九日爲永寧元年甄壽歌

浮瓜削藕午置酒八甄精舍爲甄壽甄降庚申漢永寧到今一千六百八

十有九齡想當陶旂時定有精靈聚昆吾埏泥女媧團土太乙火吹雷公

麤鼓寶氣上燭天重九六丁下視驚且走帝謂淳于第一手有虞陶後無

出右猶恐人間當塗典午兵燹不耐久特付天吳揚侯靈胥海底守右文

稽古逢熙朝龍堂奉出裏鮫綃老漁爛醉眠不穩怪底虹光生中宵知余

有古癖掇贈古張宅

至元嘉禾志履仁鄉
管里五其二張宅

石友爲賦詩宗工爲題額

八韻
精舍

扁大中丞儀
徵夫子手書

錦藉并香薰摩挲閱晨夕今日慶君覽揆辰爲君招邀致古

賓建康太康元康咸和太和太元客俱至潘吳戴徐俞萬并及蜀師羅道

人

右古甄
十四品

龐眉皓首心貌古恍惚漢晉皆遺民吾家稱觸共甥姪村醪一

杯甜如蜜重爲告曰甄兮甄兮君之生也金聲而玉質維魚年豐夢大吉

莫化爲龍夜騰逸歲歲年年壽君六月十九日維願壽君之人各得君壽

十一

同作

徐同柏壽臧

習勤吟罷句如仙折簡招來爲壽甄奉爵合稱延慶節添籌同紀永寧年

盟心吉石祥金外放眼从羊司馬前

西晉惠帝後趙石祗俱有
永寧年號從羊謂石祗

好共平生

香一瓣更逢庚子拜遺編

張上林 心石

古璧歸然謝劫灰高齋良會爲君開休談東晉屯兵日且訂南朝作史才

造甄事
見南史

瓦共千秋聯臭味

余以漢瓦
當爲壽

杯傾二雅洗塵埃一般蘄勺康虔意

怪底紛紛佞佛來

張兆枏 讓木

八甄精舍敞軒櫺介雅尊開漢永寧神物顯常附運會傳人事每關哇叮
滄桑閱歷談三叟作述心情拜五經料得州公辰不爽故教千載祝遐齡

元康甄歌寄酬芭堂兼寄芸臺叔未雪廬三君子

翁方綱

芭堂寄我元康甄新著三吳古甄記摹拓甄文挂壁看小魚側映元康字

脩當晉尺七寸七厚以寸二寬寸四其質堅完中矩繩其字圭稜不嫵媚

書來贈我作研材爲君什襲藏書笥元康入晉二十載史系應居永平次

頗怪晉書艸艸成惠紀茲年竟茫昧

晉書惠帝紀失載永康年號

昭哉隸古此大書似

補唐初史家墜保母大令敢攀躋五鳳竹垞休傳會邇來甄文匹五文侯

官林後添詩事阮中丞開積古堂精舍八甄巧位置五鳳一甄訂朱誤歐

陽真觀西京器誰歟天册甄右方宛撫柔荑仙掌勢

阮芸臺八甄精舍所藏天册元年甄有手

掌文清儀閣主張孝廉亦有齋同八甄例鼎彝盂卣以次登拊泥樹側其工

類烏曹作甄考古史物勒年名昉何世芑堂往拓蜀師甄廿載共論金石

契雪廬徐子識都籃近訂海鹽吳蜀志墨池雲結湖海盟吉語銘援祝延

義新編琅琅十且百呂薛錄餘精欸識阮錄增諸王復齋彙刻二張兼叔

未弁卷須君飛白書釋文竊附覃溪隸

裴岑記功碑拓本

巴爾坤真漢石本高尺寸闊尺寸文曰惟漢永和二年燉煌太守雲中裴岑將郡兵三千人誅呼衍王等斬馘部衆克敵全師除西

域之災蠲四郡之害邊竟又安振威到此立海祠以表萬世

天留絕塞一豐碑萬里銘功漢貳師班勇西屯收鄯善甘英北略盡條支史文待補箋臣瓚隸法初開變相斯棧谷梯山胥入費海陲何必立叢祠

建安二年弩機

高六寸一分長四寸六分闊一寸一分重斤兩錢八分書二行在郭之面曰建安廿二年四月十三日所市八千五百師稽福

洗出黃間認漢家何年折戟共沈沙將軍印佩誰神臂後漢有彊弩將軍積弩將軍待詔

名鑄尙利牙勢兆三分空逐鹿影虛半壁莫驚蛇樓船會看鯨鯢射萬鏃齊

飛靜浪花

附嘉慶十三年四月十三日爲建安廿二年弩機壽歌

黃肩將軍卯金世建安丁酉稽福製是時炎靈火數銷代漢已兆當塗勢
上尊擬作受禪臺警蹕居然爲帝制將軍祖臘仍漢家相歆尉詡羞同例
想當陷堅衝陣時透爪握拳氣倍銳八千五百皆英雄雲散沙沈同隕涕
將軍老壽落人間幾閱河山如帶礪君家建勳青史垂金機銅牙代可計
彥師夾路快乘高韓滉置船嚴警衛良器圍解寧陵安王凝幟張采石翳
雷塘吳公臺未傾南漢潘美像可斃此皆將軍雲與礪大旛小黃率賢裔
洗兵不用值盛朝足跡遊行吾能諦蘇齋閣部會識面記錄兩漢器物隸

大興翁覃谿閣部兩漢金石記卷四漢兩弩機一以建初尺度之高九寸五分長七寸闊寸七分重今等四十七兩七錢機間立度以銀約之爲分

寸則正當建初尺之三寸五分而每五分約爲四格在上半之末所謂機有度以准望者也銘在中層之陽西云建安廿二年四月十三日所市八千五百師稽福凡隸書二行十九字字細止一分許八千五百者其次第之數也稽福蓋工師姓名

山左棲顏山右宋儀徵

巨公志再繫

大中丞公儀徵夫子山左金石志卷二載此弩云爲顏運生家藏拓本摹出弩機今在安邑宋芝山葆醇家

展轉

蕭齋入吾齋

余得於大興蕭君名珩家

積古彝器文復綴

積古齋鐘鼎彝器款識卷十載此弩云張叔未所藏器據

楊本由來忠義世必傳况復吉金壽不敝今日何日君以降壽君古香兼

古幣問君春秋今幾何一千五百九十有二歲

瓦荷盂

亦已亥出海中者瓦沙骨釉如雲母外純素內契荷華七瓣高二寸二分口徑五寸口厚一分底厚四分容升合

沙土團成絕琢雕居然地荆太康朝

黃雪坪云此孟質色絕類太康瓦券

能全浩劫千年壁曾

測滄溟萬里潮可便煎茶歌七椀未容飲酒只三蕉田家老瓦盆堪供壓倒

官哥柴汝窯

開元通寶鏡

徑一寸二分厚一分重
錢分背文曰開元通寶

玉匣團團徑寸中歐陽隸法寫開通分明唐室千秋鑒莫是揚州百鍊銅漫
搯爪痕迷曉月記描眉影對春風只憐無補囊羞澀空數河間姹女工

天寶七載鄭子產廟斷碑研

碑在河南新鄭縣子產廟八分書久殘缺黃思堂
本誠作宰時得字十曰不霜京天寶七載專知判

韓蔡零碑孰訪尋摩挲猶識惠人心終唐宰相音誰嗣墮鄭遺民淚不禁爲
許片珉封萬石寧徒十字值千金翻同遺事談天寶重碾隄麋子細吟

附古體詩一首

紫雲一片飛榮陽

唐新鄭隸河南道鄭州榮陽郡

八分十字留李唐嗜古猶欽古遺愛墨

海琢就典試詳新鄭城西北一里子美有廟陘山旁晉李矩使郭誦禱靈

著典午非微茫

晉書榮陽太守李矩屯新城使郭誦禱於子產廟

天寶七載祠更建大書深刻碑

煒煌歐趙鄭王不收拾羲娥遺棄少評量奕正著錄存髣髴

子奕正天下金石志新鄭

縣有唐天寶中修公孫僑廟碑

謝記令嚴暨尉王

康熙三年新鄭令謝鴻奇重修子產廟碑云祠興於天寶七載歲戊子

百十四字可辨中州作考江夏黃

黃叔璥中州金石考云子產廟唐碑已斷裂可辨者一百十四字

直木

甘井先伐竭斷缺零落謝重傷寶刻發見時有待新鄭令君黃思堂思堂

博雅今長睿老友二樹偕諮商

思堂先生令新鄭時延山陰童二樹鈺修縣志同訪得此石

竭來公孫

祠再拜韓蔡遺筆嗟淪亡汰礫出寶地不愛斷圭一角首不霜頭銜末署

專知判闕文可證宣德郎紀元紀年特無恙蠶頭鴈尾存中行行字字

百金直一府傳看喜欲狂他年拂衣歸鴛水鬱林片石壓輕裝余生晚未

識君面託契令子緬芬芳壬戌歲觀去臘獲李侯作緣情難忘保祚布衣停雲

發視詫奇妙文後山回谿把翫逾琳瑯錢恬齋太史篙師打冰夜載舫丁谿怪

道虹騰光嗚呼香山梵語徒曼衍香山寺陀羅尼幢天寶七載建恒山諛詞如秕糠封北岳恆

山銘天寶七載建李佺撰諛安祿山爲國英賈循爲時傑爭如此石崇往哲佞佛阿好那得方急呼從

子奇共賞心石茂才勁腕剗削類截肪一春臥病累百日手撫但覺神安康竹

田習靜時點筆墨華融漾波生香古籬石友共濡脫空齋登登晝日長持

以鼎列漢晉三研室只恐瓦甃猶遜此猶彊余以漢漢并天下瓦晉咸和二年甃與此石同貯一室署

曰漢瓦甃甄唐碑三寶研之室

和作

海寧吳 騫兔牀

滌研書碑碑永傳取碑作研研尤異研之團團若人面人面不同相其背

雖無鸚之鵠之一雙眼却有天寶七載幾行字誰其書者曰魯公石建先

賢遺愛地崇祠傑筆兩不朽溱洧乘輿幾時濟陵夷下逮天寶年國忠林

甫奸朋比湖山鐵券寵狂孽顛倒朝章等兒戲

天寶七載賜祿山鐵券見舊史

向令國僑

神有知痛哭應揮買生涕平原八分特瘦硬奴視李潮蔡有隣猶餓隸吉

光片羽落鄭郊何異握拳尸解委仙蛻景陽得之鄉校傍昆吾巧斲雲腴

膩一斛隄糜供湯沐百翻蟬翼揚輕翅惜哉好事往未收歐趙集錄高箋

記

高似孫作研箋

願君珍重比璆璧案堆青玉匣翡翠吁嗟乎橋亭卜卦疇物色

墨妙荒涼失清祕

東坡墨妙亭碑殘石文信國黃石齋二公並嘗琢以爲研

惟有清儀閣上一片雲光

射文昌日星麗上可用點竄堯典舜典文下足以敷揚千古忠臣良吏氣

張叔未斷碑硯歌

翁方綱

姚郎二十六年前貽我殘碑隸七片新鄭公孫遺愛祠偏傍缺落莓苔遍
誰知七片今餘一清儀閣主珍爲硯十字年存天寶七專知判系銜猶見
來澹于正黃叔錄文已僅况此奇零遞流轉所餘六片落何處元皓道寂

誰書誤

有云元皓又云道寂等

此隸近疑韓蔡間二篆勢出中郎變金芝瓊艸紫煙

發點筆正稱嘉禾彥張君手拓金石文篋隨黃令如郵傳熒熒小印戊子

生十八戊子光流電

叔未小印云生於乾隆戊子上溯天寶七載第十八戊子也

詠到蘇齋不偶然姚

郎札已蛛絲罨我爲縮摹殘拓補老眼戈波追眩此碑此硯千古心我與

芑堂重對面尙勝浯淫藥臼香坡公詩卅杯尊羨

元道州窰尊石嘉興僧持歸作搗藥臼叔未亦

拓其文見貽故末章及之

書舊本張遷碑後卽題硯冊

翁方綱

東平蕩陰碑東里四字泐吾嘗捫石膚髣髴潤與色

色字數十年前拓本尚微可辨潤字舊拓

本亦罕存者

是年使金陵驛館秦淮側汪生古之狂爲我搜石墨古蠟光瑩然

四字千鈞力秋燈水檻陰油素手揚勒歸來初冬初霜曉拜階城碑亭庠

門畔州牧兵攄臆召南懿于棠纘戎斯其職

二句○括碑內語

末行僭書名十載

慙追憶今又三十秋幸未苔蘚蝕爾日手植材宦達圭璋特得膺茲牧良

幣沛功繁殖

臺生季良予己亥典江南鄉試所得士也今以課最擢東平牧適來都門共論此碑蔽芾此碑作幣沛

蘇齋鉛

槩餘奇觚重拂拭嘉禾寶硯匣古香同慨息鄭祠片石銘天寶七載刻借

此隸爲題適與碑相直張家故實垂頌自名卿得何論吉與揮討論更脩

飾一寸書田腴千秋同報國暮雲昔江東春雨今硯北若農稽旣勤相茲

著而黑表頌卽硯箋更益根本植系諸亭下圖知我言不食

開成石經

羣經十二勒開成響揚莊嚴楮墨精傳述未湮秦博士楷模直紹漢熹平焚香終古低頭拜下筆伊誰僞體評好事懸金購宋刻遺羲撫宿總同情

金粟牋

海鹽縣圖經金粟山寺有藏經千軸用硬黃繭紙內外皆蠟磨光瑩以紅絲闌界之書法端楷而肥卷卷如出一手墨尤黝澤如髹漆可鑒紙後好事者剝取爲裝潢之用稱爲宋牋徧行宇內所有無幾有言此紙當是唐藏蓋以其製測之然據董穀以爲紙上間有元豐正號則其爲

宋藏無疑矣

萬杵千槌蠟硬黃人問玉版出空王名家翠墨籤頭重小印紅泥紙背香曾

見御書藏寶閣

大中祥符初元改金粟爲廣惠禪院紹興廿五年七月降下御書法帖一千軸於本院

臚聽戰鼓打空

桑寺中法鼓獨桑列成傳是孫吳時戰鼓元豐年號難經見爭怪紛紛說李唐

黃文節公書新篁臂閣

竹高八寸二分闊二寸四分字高三寸三分闊二寸一分嘉慶辛酉從諸城相國所藏文節書劉賓客伏波神祠詩墨蹟摹得

誰鐫寒玉半規如兩字涪翁老筆餘有客臨摹須閣學此君擡舉自中書
前萬畫繩頭細窗外千竿鳳尾疏爲喜嘉名符小里愛渠吾亦愛吾廬

江鳴皋造鬻彌勒佛

高二寸六分質甚薄中虛五竅皆通釉落盡見骨如白石骨相瘦刻衣履精妙作開口笑對之令人忘憂文在底曰江鳴皋造

龍華高會廠精藍貌出名鬻技孰諳清供不妨斟米汁薰修合便供香龕
儘開口笑稱長樂肯袒肩來作小參料得江郎纔有夢諸天頃刻現優曇

臨安府錢牌

一面曰臨安府行用一面計錢數一日準伍伯文省長二寸一分闊六分
分一曰準參伯文省長一寸分闊分一曰準貳伯文省長一寸
分闊分厚俱約一分上有圓孔郎仁寶七脩齋彙云是
南渡國窮補救變通之物交會錢引之類省省錢短陌也

幾竭中原鑪火寒小朝廷忍說臨安和金自納千緡易鑄鐵寧知一錯難陌
短有誰籌左藏孔方無計變鍾官饒他挂向尋春杖醉看湖山半壁殘

趙文敏書蘇文忠後赤壁賦

王澹庵翁所貽

行書絹本高三尺九寸闊一尺五寸

寫出霜風赤壁寒蘇文趙字兩奇觀全家書畫鷗波重故國江山鶴夢殘斗
酒久虛雙屐齒瓣香空禿萬毫端寶章無恙人何在腸斷牆東淚未乾

建文四年薺筆架

架作五峯中高二寸半旁亞十之一又其旁亞十之二趾中縱一寸四分旁漸狹上漸銳趾橫四寸二分底有文二行行十字曰建文四年三

月日橫峯造行五
字曰吳氏均茂製

幾寸峻嶒字未磨可憐建業泣銅駝談兵空閣籌時筆靖難真操入室戈火
急自更新歲月瓦全偏賸舊山河不堪細認元和脚哭倒山樵與補鍋

吳南谿參政紗帽籠

籠用織藤組成有底有蓋中用朱漆通高七寸縱六寸橫五寸半面微
圓兩出長一尺几寸高二寸廣一寸二分海鹽縣圖經吳昂號南谿宏
治十八年乙丑科進士歷
官福建參政進右轄致仕

參政烏紗帽已空瘦藤組織此遺籠啓逢袍笏封章日

海鹽縣圖經南谿致仕後布衣芒履渾迹

漁農至遇鄉曲大利害又未嘗不抗言有
司不得則請於朝如論築海塘疏是也

緘向漁農老圃中愛共巾箱儲蠹

簡積書萬卷徧讀之記攜書笈坐牛宮

咸元佐構李往哲又昂少時草屨負書就海寧祝先生受經舍滿坐牛屋

讀書武原舊物聯雙璧莫但焚香拜鄭公

鄭端簡公祠堂藏有紗帽籠廷濟曾拜觀焉

沈石田贈朱性甫山水畫幅

絹本高三尺一寸六分闊一尺二寸七分石田自題云用楊誠齋先生永和遇風韻與朱性甫雨中話舊細論故舊對檐花落落如再摘瓜少去老真轉燭合難離易譬搏沙風櫻墮地紅俱爛雨筍過牆綠不斜看取臨軒此杯酒且將衰髮照霜華下左角有朱文黃汝亨印蓋南屏寓林舊物也

直接山樵與大癡石田老筆果神奇行窩市遠三間屋話舊情多一首詩過眼虎林留印雪銘心龍樹費裝池錦韜莫漫鴉又展又是黃梅積雨時

袁永之北征圖

絹本橫卷高六寸七分長二尺五分陳道復畫前有祝京兆題北征二大字後有祝京兆王雅宜文壽承彭寅父顧華玉錢貴湯子重湯子鳳陸芝王圖金元賓袁邦正袁尙之袁補之袁與之諸題詠○嘉靖四年乙酉科袁永之裝領應天鄉薦第一此其入都時諸友人送行作也

匹馬胥臺賦北征旗亭楊柳故交情文章門第傾耆舊風雨河橋夢弟兄早

歲應須成富貴傳人何必薄科名十年三上長安道愁聽陽關疊幾聲

天籟閣書案

高二尺二寸三分縱一尺九寸橫二尺八寸六分文木爲心梨木爲邊右二印曰項曰墨林山人左一印曰項元汴字子京

圖書天籟六丁收此獨華嚴劫後留寶樹文章裁錦段山人名字印銀鈎焚
香想展千金帖置酒應開萬卷樓多少墨痕須記取文唐諸老舊風流

周公瑕坐具

紫檀木通高三尺二寸縱一尺三寸橫一尺五寸八分倚板鐫無事此
靜坐一日如兩日若活七十年便是百四十戊辰冬日周天球書印二
一曰周公瑕氏一曰止園居士案公瑕生正德九年甲戌卒於萬歷廿
三年乙未年八十有二此戊辰爲隆慶三年公瑕時年五十有五距今
戊辰又四
周甲子矣

止園當日此靜坐屈指於今五戊辰賸有句題坡老好恰宜案共墨林珍香

鑪茗椀長吟膝清簟疏簾自在身一活未徒百十四大椿還有八千春

時少山方壺

通高三寸六分方二寸二分口九分蓋高二寸純素楷書四行在底中
二行黃金碾畔綠塵飛碧玉甌中素濤起右一行大寧堂左一行時大

彬

黃土誰搏作漢方一時千載姓名香

吳兔牀年伯題此壺曰千載一時

品題不假朱王重

謂竹

垞阮亭兩先生

弓冶何慚趙董良

大彬父鵬善製壺與董翰趙梁元暢爲四名家

自富技能須絕頂可撐文

字到枯腸重吟細把眞無奈

玉谿生句

贏得壺中歲月長

附嘉慶癸亥八月得時少山方壺於隱泉王氏係國初幼扶先生進

士舊物贈以四詩

添得蕭齋一茗壺少山佳製果精殊從來器樸原團土且喜形方未破觚

生面別開宜入畫兄子上林詩腸借潤漫愁枯金沙僧寂供春杳此是荆

南舊範模

削竹鐫留卅字銘居然楷法本黃庭周高起曰時大彬欸用竹刀畫之書法適美逼真山陰換鵝經雲痕

斷處筆三折蓋留三折刀痕雪點披來沙幾星壺質以沙土爲之俗所謂麤泥細做也便道千金輸

瓦注從教七椀補茶經延陵著錄徵君說好寄郵筒問大寧吳兔牀年伯著陽羨名陶

錄芭堂徵君著陽羨陶說此壺大寧堂欸當必有攷

瑯琊世族溯蟬聯老物傳來二百年過眼風鐙增舊感丁巳歲孟中觀攜是壺留余齋旬日

戊午冬知心膠漆語新緣王心耕上舍爲余作緣得此壺未妨會飲過詩屋西鄰葛見岳布衣關谿陽

詩屋吟詠其中藏大有陳用卿所製壺大好重攜品隱泉隱泉在北市劉家濱水底遇盛夏水涸時跳珠飛雪汨汨靡窮釀酒煎茶

異常甘冽余命之曰隱泉是處林木深秀前輩李元龍先生御舊居於此因又名高士泉聞說休文曾有句可能載筆

賦長篇

姊婿沈竹岑廣文會賦此壺貽王君安期

活火新泉逸興賒年年愛鬪雨前茶從欽法物齊三代

張岱夢憶宜興直春時大彬瓦罐直

躋之商彝周鼎之列而毫無慚色則是其品地也

便載都籃只一家

弟季勤藏

有石林中人壺兄子

竹里水清雲起液

篁里水名新谿

祇園軒古雪飛花

東鄰太平禪院

舊有沸雪軒嘉靖庚申吳尚書鵬爲作碑記曰家仲鶴偕文學高道漸讀書禪院余烟水歸來先瞻祇苑家仲曰誰似約者額此蕭齋阿兄試實之

時涉彌煑山泉沸如濤聲道漸曰胡不以沸雪額之余大快與君到處堪

煎喫珍重寒窗伴歲華

附時少山壺贊

一壺千金一時千載曾酌廉泉青浦遺愛入吾清儀珍同鼎鼐永寶用之

時乎難再

顧云美金石遺文冊

精心金石網遺文寶墨傳來顧八分

冊首小印曰顧八分

喜有中郎題四字

冊首云美八分書金

石之遺四大字

是能左史讀三墳半生古共楊劉集一片香從班馬薰塔影園今無

恙否圖書零散等煙雲

秋笳集附編

嘉慶丙辰廷濟編輯上卷是寄訊吳漢槎詩文下卷是喜漢槎入關詩

一紙冰天破淚痕何期未死得重論秦庭立哭貧交誼吳郡生還聖主恩薦
遲陸機難續命夢回李白只招魂保身緘口今知否容易流人返玉門

附書秋笳集附編後

嘉慶丁巳冬日

嘉善沈恪曾幼清

八月霜濃冷布裘說來那不動離憂雙飛塞北凋紅粉獨倚江南痛白頭
劉向黃金容易就蔡邕青史竟難修
漢槎放還旋卒於京未得與詞科史館之選空留幾幅叢
殘紙挑盡寒鐙讀未休

曹倦圃司農與王雲生翁十札

雲翁名士龍廷濟祖母之曾叔祖在福建隨征耿逆時司農所與札

舊簡零星貯十函司農當日手封緘螺江風雨愁征馬鴛水家山話落帆故

相書教羅放失

札中重屬鈔蔣相公德環所著懋書

未官職願耐卑凡

札中有人生才智膽量從困苦中鍊出者受用

無窮安心耐煩徐圖展布等語使君高義真今古不獨珊瑚恩重銜

梅會里朱氏潛采堂藏書象牙印

高一分縱一寸二分橫六分朱文二行行五字曰梅會里朱氏潛采堂藏書

管領奇書八萬卷人間此印亦千秋籤開玉版先經眼榜賜金題在上頭七

品真推良大吏

竹垞先生有一印曰七品官耳

百城肯拜小諸侯南垞亭子教重建同是熙

朝第一流

嘉慶丁巳視學兩浙

阮儀徵夫子重建曝書亭

欣賞眞賞兩書廚

梓木爲之純素無華各高六尺深一尺八分廣二尺五寸六分一刻竹垞先生八分書對斗酒散襟顏奄奇共欣賞欸集陶朱彝尊一刻瓜田

先生行書對鑑古出眞賞耽幽無俗情欸苧村張庚句并書

一題欣賞一眞賞前後詞科兩布衣老我破窗伴風雨陋他寶積綴珠璣不
愁畫妙桓元發耐受書癡王儉譏珍重丹黃憑管鑰朝朝籤帙對晨暉

桑閑老人如意

黃楊木爲之長一尺一寸八分首縱橫各一寸八分作靈芝形柄端闊一寸中刻桑閑老人四字蓋外舅沈寬夫先生物也○外舅諱潞號蹇

翁又號桑閑老人嘉善人乾隆乙酉科中浙江舉人第八
十名精醫活人萬計甲寅七月七日卒年六十有八

一柄東陽記手拈筆牀書卷見清嚴方書指畫同良相烈士心期老孝廉憶
昔塵談聆玉屑只今鴻案話蘆簾不堪懷舊安仁賦重對摩挲淚暗霑

乍浦山

瀛壖山色半模糊送入樓窗當畫圖懶埽眉痕學京兆欲窮眼界到蓬壺攜
筇曾蹋九峰月破浪思開十幅蒲如此書齋如此供不須清祕羨倪迂

高士泉

在新谿北市劉家濱前輩李元龍先生御卜宅於此所與遊
皆名家老宿里人因名爲高士泉泉隱水底余命之曰隱泉

高臥元龍一百年隱君無恙此清泉品羞陸羽爭聲價釀許歐陽重愛憐地

近不須符調水名題已得筆如椽
壬戌春日錢黼堂少宰
爲余題隱泉草堂額
合教舊事重提起

平老鶴
新茶孟老振煎

橋李

仙根分種自僧廬嘉樹成陰入畫圖

家君自淨相寺分植馮孟亭侍御題吾齋楹帖云珍果擅名徵魯史仙根分

種託儒家馮秋鶴山人爲作仙根分種圖

名譜古經真典重身宜瘦地總清癯

橋李宜瘦竹垞先生詩瘦地偏宜稼

非泛語也

且沈冰雪消三伏莫管滄桑沼五湖最是來禽須料檢重書僅約付奚

奴

甲子柏

嘉慶九年甲子歲種於精舍之中庭因以甲子名之見高一丈六尺根圍八寸

剛破蒼煙與綠苔風枝雨葉記親栽苦心要作千年計晚節圖全百尺材已見清陰撐烈日會須古榦護高臺他時甲子更番數此老春秋第幾回

清儀閣集古款識

商周漢魏鐘鼎彝器銘文錢唐梁侍講
山舟先生八分大字題首曰鐘鼎款識

斷楮零煤字字香集成大半出歐陽

積古齋藏
器居多

奇文真是前周孔法帖何須

寶晉唐享帚只今珍萬鎰讀書自古重三倉朱何趙宋論交舊安得相期話

草堂

謂右甫夢華晉
齋芝山四君子

錢文拓本

地馬天龍癖不妨墨華點點帶銅香圖書累表逾張李

張台李
孝美

文字編年認

帝王青史幾篇存食貨紫標一樣貯筐箱卽今紙上談何易麤蠟隨身已廿

霜

印文拓本

秦舊文章漢舊儀紫泥印出儘纍纍青雲可繫封侯肘黃絹從鈴幼婦辭自
許鍊心同鐵石不妨開口問官私側身天地還搔首幾代傳人是阿誰

兵文拓本

武庫縱橫字幾行龍吟紙上挾風霜此身特少不平事到眼如登古戰場說
劍最宜供棗吏銷兵終是陋秦王開函不敢高聲讀恐有星虛射夜光

權文拓本

頑銅磊磊墨華勻彈指狂秦更僞新錯認分符編郡國

元明權鑄郡邑

要知平準首

鈞斤魚鹽幾費千緡算市井曾開萬竈春最好誠懸心筆正太平時少不平

人

鏡文拓本

金闕誰教萬戶修一編多少月輪秋披圖猶怯冰寒膽照紙還驚雪滿頭夢
幻秦宮兼漢殿平章唐室與隋樓吉祥語句分明在說向佳人定莫愁

壺文拓本

春風是處勸提壺黃錫紅泥盡入圖同具鑪錘分巧拙共持刀筆判精麤銅
腥鐵醒知何取酒伴茶寮勢欲呼揚到全形翻一笑真成依樣畫胡盧

硯文拓本

幾家山骨巧雕鐫濡脫裝來十樣箋品格從頭編甲乙形模隨手賦方圓一
生心跡毋汚白千古文章是草元種種遙情奇愈出要尋五色補餘天

墨文拓本

墨者流編一卷多不論含李更超羅手評萬笏探囊豹眉畫雙峯試黛螺灑

落性情原冷淡崢嶸頭角肯消磨從今低首元光象親見潘翁老眼摩

甄文拓本

墨本條條運甓貪要將古刻補江南風雲山海千年護篆隸文章八代參已

分沈蕕和蘇士誰知薰沐共書龕區區吳晉雙瓴甌翻傲詩翁老學庵

淳熙六年

三山鑿渠泄水得古甄二一銘云永安五年七月四日造一銘云太康十年七月造蓋吳及兩晉物見犀守齋所編陸放翁年譜

瓦文拓本

間房翦紙譜鴛鴦開卷幾題古瓦岡鏡裏年華無魏晉盤中字句有滄桑枕

頭且夢三春雨

全瓦可作枕

殿角曾封午夜霜怪底林侗前箋未及徒珍銅雀與

香姜

清儀閣雜詠終

(B)
908.1
4435
1936
v.3
no.1
nt^A
0376586

(B)
908.1
4435
1936
v.3
no.1
pt.4